



DE
METHODIS HOROLOGIA SOLARIA
PROMTE DELINEANDI.

Auctore

Georg. Wolffg. Krafft.

§. I.

Cum non acuendis solum ingeniis, sed vtilitati etiam et commoditati in vita humana, inferuire et fauere debeat Mathesis: nullum dubium est, quin egregias laudes promereantur illi Artifices, qui, alteri horum scoporum praecipue intenti, solerter excogitant et fabricant eiusmodi Instrumenta, quibus contemplationes Mathematicorum fructuosas reddere, simulque ad vsus communes et quotidianos vocare, facile licet. Eminent inter haec varia linearum, partibus vsui quaeque suo, distinctarum genera, quae in Regulis metallicis expressae Problemata totius Matheſeos maxime obuia, atque adeo etiam *Artis Gnomonicae*, promte et commode resoluta ita porrigunt quasi, vt ab imperitis etiam recipi et ad conuenientes vsus trahi tuto possint.

§. 2. In hunc finem *Angli* Instrumentorum Mathematicorum fabricatores, ingenio pariter et industria mirum pollentes, insculpere Regulis solent lineas quoque Gnomonicas, quae certe Horologiis solaribus concienne et promte describendis sunt aptissimae; cum alias hic requiratur labor, vti notum est, non mediocris, et qui patientiam multum exercent. Harum linearum praecipuae sunt